



ЧАННАЦУКУ

«ЗВЕЗДА»

18 май 2018ш
ножмар
№ 20(6602)
Багъа 2 къруш

Газета буклаккиссар
1951-ку шинал
ноябрьдания шинмай

Учредитель: Ккуллал районналул администрация
Кулинская районная администрация

Ххувшавриясса назмурдал утраникрай

Вачциял школалул дуклакки оьрчлан ца ххуйсса байранну хьуна майрал 8-нний районналул библиотекалуву Бюхттулсса Ххувшаву ларсун 73 шин шаврин хас дурсса утраник. Ва утраникрайн бувкун бия шамилчинмур классрал Хлусайнова Хлурия каялувчисса дуклакки оьрчлу. Шикку утраник дачин дурсса билиотекаръ Исаковва Аьшатлул бувсуна дяввилул шиннардий совет халкьуннал кьучагъшиврия. Му ххувшаву ласун дурсса чумартшивруа чивчуну бушиву члявусса шаэртурал назмурду. Утраникрайгу дуклакки оьрчлал бувккуну Абу тлалиб Гьапууровлул, Юсуп Ххапалаевлул, Ссугьури Увайсовлул ва цаймигу шаэртурал чтивчусса назмурду.

Оьрчлал утраникрай дурсса хьхичлунсса гьурттушиннарая рязийсса районналул администрациялул виваллил политикалул отделланул хьунма Шамххала Хизриевлул районналул администрациялул баклчинал цания барча бувна дуклакки оьр-



члу ва цинявпагу шикку гьуртту хьанахьимий Ххувшаврил кьинилушал, барчаллагъ баян бувна дуклакки оьрчлу утраникрайн ххуйну хладур бувсса Хл.Хлусайновахь.

Виричунал цанийсса волейболланул турнир

Жула миллатрал цатахь дурсса Вирттал жунма тачав хьама битан кьабучиссар. Миннал цардайнуну ялун нанисса никгу жува тарбия дуллан аьркинссару. Мукунсса давуртту муданнагу най

дур районналий. Вана гьашину сса Ххувшаврил кьинилул хьхичл гьантрай Ккуллал шяраву хьунни 1999-ку шинал жула цаний жан харж дурсса Ккуллал шяравасса Виричу Халид Мурачуевлул цанийсса волейболданул турнир. Ва

турнирданивух гьартту хьанай дия районналул шяраваллал командартту. Ххув хьуминнан буллуна Халид Мурачуевлул цанийсса зава. Суратрай: Виричунал гьалкал ланучла. **Хл. Хлусайнов**



Кулпатрал кьини кулпатрал масьаларттах бургавур

ООН-нналул Генеральный секретарь члу рчлав дуллау ур, агарда ца кулпат ссуусуку буллау бухьурча, инсаниятрал кулпатрал цашиву, цивгу хьанахьисса му кулпатрал баклруну, му кулпат нигьачлаврил бишавур.

Жьаматрал дянив кулпат ккалссар агьанмур клулану ва бивкиссар ва биклантиссар инсаниятрал ва тарихрал никирая никирайнсса шачлануну, инсаниятрал тлирхьа бу ккавил ва хьхичлунмай шаврил шачлануну.

Кулпатрай хчлин цлакь ва хьхичлуннай хьанахьиссар хлукумат, лахь хьанахьиссар агьалинал ахвал.

Тарихрал гьарцагу члумуву хлукуматрал дара жалул тагьар клул шайссар кулпат ци даражалий яла пар хьанай бурив хлисав бувну ва мукунма хлукуматрал кулпатрах цукунсса ургьил бурив уххал бувну.

Кулптараву байбихьлахьиссар инсаннал оьрму, шивур хласул шайсса

инсанная ватанналул чларав ацлу-гражданин шаву. Хлисав бувкун, цалчин дуняллийн инсан ляхькукун хьуна акьлай ур кулптарал увсса чивитлу ва вив ласлай ур ниттибуттал аякьалулун, цивгу хьанахьисса цлакьсса гьануну оьрмулувун увхсса инсаннал. Кулптараву чивитлун лахьлай бур лаглагиминнашал занакьулу хьинан, клул хьанай бур мунан ци журалий кьуцу тлун аьркинссарив, клул хьанай ур цила цува ва лагма ялттусса дунял. Ниттибуттал чивитлун буллау бур тухумрая клулмур ва никирая никирайн лавсун найсса аькьилшиву. Мунняту кулпат хьун аьркинссар ца тлайласса хьхичлунсса ужагьну гьарица инсаннал клулну биклан аьркинссар, бушиву дуняллий халкь мудангу му инсаннал чларав бацлан хладурсса.

Чивитлун кулпат хьанахьиссар гьарица чулуха итхьяххансса гьануну «Хасиятрал, тлул тлабиьатрал, (Ахир 2-мур лаж)

Медаль дуллунни



Аьрасатнал баян бувсса, литературалул зумунусса Ххувшаврил кьинилун хас бувсса конкурсару гьуртту хьуну медаль дуркунни Хьовхьиял школалул 9-мур классрал дуклаки оьрчл Цаххаев Махларамлун Оьмархлажинал арснан. Ванал чивчуну бур Ххувшаврил кьинилун хас бувсса оьрус мазрайсса шеьрирду. Ва медаль ванан дуллунни 9-мур майрал кьини Ваччав байранналул кьини Ккуллал районналул УО-лул каялувчи ХлammaкIуева Альбинал. Махларамлул сахИналия бувккуну цала чивчусса шеьригу.

Барча Махларам вил литературалул дуняллулун уххаврил бакрайсса ххувшаву!

Суратрай: Махларам Ххувшаврил кьини; Махларамлун дуллусса медаль

Хл. Хлусайнов.

Дунияллийсса музейрал кьини

18-ний майрал, гьар ца шинах, гьартану кичи лагай шаллагу дунияллул халкьуннал музейрал кьини. Ва кьини гьартану кичи лагаврил сававну хъанай дур музейрду ккалину бушиву халкьуннал тарих, культура, багу-бизу, само бытность ядавриву ва хьхьичлуннай давриву яла хьхьичими кьокьравух нанаву.

Музердурив бур жура-журасса: хлукуматрал лагрулувусса, шагьрурдал, районнал, цархъал, школардал цанма-цанма хас буну тивтлусса. Чансса бакъар музейрду каша-кьудрат думиннал цала шаппа тивтлуссагу.

Циксса бухъунссар музейрду дяввилул иширтган, виртгавран оьрмулуву дяличийну хьхьичлун ливчусса, увкуну учиннуча, личностирдан хас буну тивтлусса ва члявусса цаймигу журадал музейрду.

Жунма гьарцаннан килли, чув бунугу музей ккаккарча, жула дакру цукун гивун буххан клунклутун диклайссарив, ци дурив ххал дан. Члалан биклай цукунсса бухху-букку мивун дуссарив тамашачитурал.

Жула республикалий Дагъусттаннал цалчинсса

музей тивтлуссар 1913 шинал Темирхан-Щурагьсса губернаторнал ца кьатлуву. Байбихулий музейраву бивклссар бувагу 283 экспонат. Харжлугьрал чулухуннайсса захматшивур ттайн буну музей лакьин багьссар. Мивусса кьай-кьуйгу ларсьсар Порт-Петровск шагьрулийн-Дагъусттаннал цлусса хьуншагьрулийн.

-1923 шинал Дагъусттаннай музей цлунилгу сакин бувссар Ухссавнил чулухасса Кавказнал буттал улча лахьхьаврил институтрал кумаграйну. Му члумал музей бив хьуну бивклссар Инженерное тлусса кучалий (Цлансса Р.Хамзатовлул проспект).

-1977-78 шиннардий цацлун бувссар Дагъусттаннай циняв музейрду. Так ца ДГОМ-раву (Дагестанский государственный объединенный музей) бур 180 азаруннияту ливчусса личличийсса экспонатру. Дагъусттаннал районнай ва музейрал бур 28-нииха ливчусса филиаллу.

МО «Кулинский район» администрациялул хлукмулийн буну 2004 пинал июль зурул 31 ний жула районналийгу

тивтлуссар тарихрал ва буттал улча лахьхьаврин хасьсса районналул музей.

Му бивхьуну бур музейран хасну дурсса кьатраву, райцентрданий, Ваччийл шяраву.

Элмину ва магьир-лугьрайну халкь чантл учин бавриву ва халкьуннан за лахьхьин бавриву хьхьичлунсса клану бугьлагьиссар музейрал. Вай махьсса шиннардий жула районналул музей тамансса экспонатирттал, материаллал авадан хьуну бур. Тлайлар шиву дирхьумур барчаллагьран лайкьсса, инсантурал цала чулдуха дуллусса дур.

Жучлан музейравун увкма цягу рязий акъа кьалагай, цала дакниву хласул хьусса асар ца-цаннал хасьсса журнал ланийгу чичайссар.

Жула районналул музей кунма, жула кланттул материалланул балгусса, авадансса, гьарца оьрмулул чулухалу хлсавравун лавсун шаллу бувсса республикалул цархъаву бакъар.

Инсантурал музейрахсса мюхтажшиву, хаснува жагьилсса махъа нанисса никирал душиву члалачли дан на ацланна цаппара мисаллай. так ца лавгьсса шинал жула районналул музейравун тамаша бан бувкуну бур 500-нийн бивсса инсантал, вайнну-вату дуклакки оьрчлру 300-200 жагьил ва оьрмулул угьарасса инсан.

Члявуну музей ккаккан бучлай жула районналул школардаяту. Дуклусса шинал чанкьавхьунни музейравун бучлаву Ваччийл, 1-Цувкьуллал, Ккуллал (кли вагу) Чляйнал, Сумбатлуллал, Хьювхьиял, Кьяннал, Вихьуллал. Хьинну срагьунну бувкун бия Чляйнал садикрал оьрчлал ва зузалтрал коллективрду воспитатель Курбанмахаммадова Самиржигьаннушал.

Хьиннува хьунмасса гьирарацал музей ккаккан бучлай шагьрурдал яхъана-хьисса, жула билатрал дазул кьатлусса лаккуй аьрхи багьсса ягу бигьалаган бувкьсса инсанталгу, вайнавух цайми миллатрал вакилталгу.

Вана гьинттул музейрал вывеска ккарккун бувкьлру тлий, жучлан бувкьлунни циркрал



Кулпатрал кьини кулпатрал масъалартгах бургавур

(Дайдихбу 1-мур лаж.)

тлрхъа уккаврил.

Цуллусса ва талихл бусса кулпатрал мурадру.

Цинявппа кулпатра вусса инсантал архлалсса ва куннал кув цава цану кьамул буллан аьркинссар. Кулпатраву ца агьамсса хасиятну хъанахьиссар вихшала, глртлусса дакI ва тлайлашиву.

Куннацал кунналсса ихтиллат баву, гьалгъа буллалинал клинналагу чулуха рязисса диклан аьркинссар.

Кулптаравусса гьарманан аьркинни кумаграхсса мюхтажшиву дуний чларав бацлаву диклан аьркинссар.

Кулптаравусса гьарманай буссар буржру ва кулпатрал лувсса жаваб дулаву.

Бигьалагаву диклан аьркинссар кулпатру цинявннан ххаришиву диян дуллаллисса.

Кулпатрал аьдатру агьамссар ва гьарманал

дуруччин аьркинссар.

Кулпатраву гьариманан хлурмат биклан аьркинссар.

Хлурмат биклан аьркинссар гьариманан кланттух ва цила-цила оьрмулул буруччаву.

Кулпатраву гьарицаннал умудру ххалкьаби гьарчагу ми махьминнал кьамул байссар.

Кулпатрау буну буссар члявусса учалартту, лувлякьуртту, амма яла агьанмур кулпатрал багьу бизулуву гьариманан кьу лайну бушиву ва гьариманан цува аьркинну ва агьанну члалачлаву.

Члумаху лавшун кулпатгу баххана хъанан аьркинссар, амма кулпат цукунчлав лиян кьабучлиссар, мунияту, гьарима цувалу личлаврия нигьа увсун иклан аьркинссар. Му мурадрайгу буруччан аьркинссар цала кулпат, насихлат бусаван аьркинссар жагьилсса кулпатир ттахьгу **А.ХIажнев**

студиялул канатаходцы «Пехлеван» Махлчкьала шагьрулиясса цала вайннал хьунуамашал. Вай хьинну хьирив лавну ккаклай бия музейравун цацлун дурмур, члявуя буллаллисса суал лугу. жула миллатрал культуралухсса багу-бизулухсса интерес вайннал хьунмасса бия.

Хьинну мяьна дусса хайрсса, мурад агьамшиву дусса музей бур. Жула оьрмулуву тачлав укунсса затру хьхьичларасса, буттахьул ишла дуллай бивкьлсса, миннал багу-бизулияту бусласисса кьаккаркьссар. Жу махлаттал хъанай буру цукьсса захматсса оьрму бутлай бувкьлсарив

жула буттахьул. Жула никирахь ва музейрал хьунасса дарс дихьлай бур тлий гилай бур жучлан музейравун бувкьлсса «Медицина Дагестана» тлусса газетрал корреспондентал.

Ттун ччива музейрал кьинилуцал дакIнихтуну бурча буван районналул музейрал даву хьхьичлуннай дуван чялишну зузисса школардал учительтал ва мукума бусравсса даврил чларав бацлацлими, чла учин миннал цлакьсса цуллушиву оьрмулуву тлайлабацлу. Музей мудангу хладурссар музейраву тамаша бан наними кьамул буван. Минахь музейрал районналул тарихрая хьирив лавну бусан.

Т.Абакаров,
музейрал директор

«Профессиональный компас-2018»

Инсаннал оьрмулуну сса яла агьанмур масалану хьанай бур цанма бучли-лякьинсса дак1 даклякьинсса пиша, санят дурчлаву. Ва мьсала яла-яла хьхьтчи бавцуну бик1ай школартту кьуртал буллалисса дуклакки оьрчлан.

Центр занятострал пишакартурал шинай шамипла- мукьила выпускной классирттал дуклаки оьрчлашчал т1айла дуккайссар личли-личлисса меропрятгирду. Масъала «Буссар укунсса пиша- Ватан дурччаву», «Пишардал фестиваль», «Пиша бувчлаву» т1исса ва м.ц.

Гьашинугу апрелланул 9-20-нин центр занятострал т1айла дурккунни интнил ва зах1матрал байранналун хас дурсса профорганизационный меропрятгирдал декада «Профессиональный компас-2018», - т1исса.

12-нний апрелланул х1адур дурссар школардал выпускной классирдал дук-

лакки оьрчлансса памятка «На пороге выбора профессии». Школарттай т1айла дурккуссар личли-личлисса темардан хас дурсса классный часру. Масала, «Билет в будущее», «Да гьусттаннал туризмалул бизнесраву аьркинсса пишарду», «На язи був гьумур пиша», «Зах1матрал рынокрай т1алавшин нарду дурсса пишарду», - т1исса.

Хьирив дуклакки оьрчлал дянив дурссар анкетирование. Ванил мурадну хьанай бия дуклакки оьрчлан цуми пишарду ххуй бизлай буссарив, цукунсса т1алавшиннарду дурсарив клул баву.

Центр занятострал бувсса дуллансса давурттал план-графикрайн був ну специолистал школарттайн бивссар, бувссар ихтилатру, цланасса ч1у мал зах1матрал рынокрал т1алавшиннардал яла-яла цуми пишарду, санятру

хьхьч1унну аьркин хьанай дурсарив. Мукунма, бувссар жул кумаграйхч1ингу цанма сьнат, пиша лахьхьин гьан бюхьант1ишиву. Ялув к1иц1 лавгсса х1аллихшиннардая цетр зянятострал гьарца кварталаний стьяр ду бишайссар «Чаннац1у ку» газетрай.

Ва цлана т1айла дурккусса декадалулу гьурттушинна дунни 60-нний ливчусса дукликки оьрчлал.

Ва, бакьагу дуклакки оьрчлал гьурттушинна дай ссар ч1умуйнуса давуртгавугу.

Дуклакки оьрчлашчал т1айла дувккусса ва дуклансса меропрятгирдаясса информация буссар центрданул стендирттай. Ччиманаша увк1ун клул бан хьунт1иссар цанма центр занятострайхч1ин цукунсса кумаг т1алав бан хьунт1иссарив. Жугу жушчава шай мур банну.

П. Аьлибекова,
вед инспектор ГКУ РД ЦЗН в МО. Ккуллал район.

К1улшиву гьаз дуллай

Образованиялул системалулу районналий планналийн бувну най дурсар к1улшиву дулаврил зузалтрашчалсса даву.

Цала даврил опыт хьхьч1унмай шаву мурадрай, личли-личлисса формарду, методру ишла дуваву дулакки оьрчлан к1улшиву дуллай, мукунма выпускниктал х1адур буваншиврул итоговый аттестациялийн, Ваччиял дянивмур даражалул школалий хьунни лахьхьин буллалисса семинарду укунсса предметирттал: русский язык ва литература, история ва обществознание, физика, информатика, математика, биология, химия, английский язык.

Вай семинардал мурад бия гьашинусса шинал выпускниктал ххуйну х1адур буваншиврул Государственный итоговый аттестациялийн.

Семинарду буссар 2017-2018-ку дуккаврил шинаву 2-ра этапрай

республикалул хьхьч1ун сса вузирттал преподавательтурал ва ДИРО-рал (Да гестанский институт развития образования) зузалтрал. Цалчинмур этап дуссия 14-нний-16-нин -4-нин апрелланул 2018-ку шинал. Семинардай хьинну активнайну дуллай буссия творческий задание, ляхьлай научныйсса ххуллурду, мий решить бувансса.

Семинарду кьуртал шайхтту 2-гу этапрай учительтурашчал бувссар контрольный тестру гьарца предметрал.

Итогру дуллалисса ч1у мал, семинардал ккаккан бунни лябуккусса бушиву вай буваву. Результатру апрель зуруй дурсса тестированиялул учительтурашчал мадара лахьхьин дя декабрьданий дурминнуяр.

Укунсса семинарду ялунмайгу буллансса пикри буссар.

Н. Ах1мадов,
УО-лул методист

Диспепсия

Диспепсия-му грек мазрай, «Ляляндаву», - т1исса махь хьанай бур.

Му азар кунния куннийн кьалахьайсса бюрчурдил азарди, цувугу х1асул шайсса бярч оьлил лякьлуву бунува оьлиха х1урмат чан хьурча ва бярч бувну махь мунихасса аякьа кьат1айлану булларча.

Диспепсиялул лишаннугу дик1айссар дахьа бувсса бярч щихха т1ут1аву, анжагь бярч щихха т1ут1аврил багьантту жура-журасса бик1ан бюхьай ссар. Ми багьанарттугу ч1явусса буссар, мивун буххла ххиссар мукунма бярч бувну махь оьлин кьулай дакьасса дукья дулаву, бюрчурин хьхьч1 гьантрайсса ч1у дяркьуну дулаву 27 градус яларайну, ч1у ва нак1 дулаврил ч1ун зия шаву, бярч бусса ппалав дяркьу душиву, бярч утту бишайсса ва муни дилайсса ч1у нак1 чапалну дуллай бухьурча ва м.ц багьантту.

Бярч байхттува щихха т1ун бик1айссар, мунил бусласиссар бярч оьлил лякьлуву бунийва оьлиха х1урмат багьайкунсса кьавхьушиву. Агана бярч бувну 3-4 гьантлува щиххат1урча мунил бусласиссар бюрчурин дуллалисса ч1у, нак1 дяркьун чапалну ч1у гьарзану дупушиву.

Диспепсия бюрчурий дахьра дайди хьлахьини мунил нак1 х1ач1лач1аву дурссар, амма хьут кашакуннасса дуллан бик1айссар, ялун-ялун бярч х1ура-ч1ура буккайссар, дукралия кьукьайссар, щихх хьомусса щин куннасса дачайссар, хьирив гьантрай щихх кьанкь дурсса дачайссар. Бярч утту бивхьинна кьабизлан бик1ай ссар, дукралия кьукьайссар ва илт1а хьуну бачайссар, яру бюкьайссар, чурххал к1иришиву лахь шайссар, ва бярч бивч1ан бюхьайссар.

Бярч хьин баншиврул му щихха т1ут1и баврил багьантту бухлаган бан аьркинссар. Хьинну кумаг байссар ца ч1умух ч1у, нак1 кьадуллун нак1лил гьелишиврийсса физраствор дулурча, бюрчурил чурххал гуж ххи бан имунный глублин бут1ирча, глюкоза, витаминну А, С, В. Дулун буч1иссар отварду, настойрду жура-журасса урттурал ва миннул кьалмул ят1ул ччимуссул лаччул, кьурул, хьанак1ул. мунияту яла-яла бярч оьлил лякьлуву бунувава бувну махь муниха т1айласса х1урмат бара, зува муния хайр ласун ччай бухьурча.

А. Аьбдуллаев

Муданмагу бурувччуну бик1ан аьркинссар

Цланасса ч1умалгу гьарзану хьанайнна дурк1антту-к1анттурдай пожарду. Х1акьинусса кьинигу билаятрал Сибирнал чуллайсса вац1ри ччуч лайнма бур. Пожардая бил лалисса зараллу жунма хьинну ч1алан бик1ай вац1ри, лухччив, кьатри ччучлаччисса ч1умал.

Жула республикалий, районналийгу пожарду кьашаву мурадрайсса ялув бац1аву т1алав дуллай дур Республикалул Х1укумат. Пожарду хьун кьаритаврил ялувсса Х1укуматрал хасьсса Комиссиялул апрелланул 6-сса заседаниялий кьавккунни чаранну пожарду ва нигьач1исса ишру хьун кьабитаврил ялувсса.

Пожар хьун кьаритаву мурадрай аьркинну бур инсантурал дянив бувч1ин баврил даву дачин дуван. Ххуллу кьукьин бур пожар хьун бюхьайсса иширттан. Лахьхьин буллан, ккаккан буллан бур нажагьлий пожар хьурча мунишчал цукун талан аьркинссарив. К1антту-к1анттурдай

лач1ун дуллан аьркинссар пожардая буруччаврин хас дурсса плакатру.

Сакин буллан аьркинссар хушрайсса ва чарабакьасса пожардайн кьаршийсса дуружинарду «О добровольной пожарной охране» Федеральный законналин бувну.

Кьатлуву пожар хьусса ч1умал кьабучиссар: ччучлаччисса кьатнил нузру, ч1авахьулттив т1ит1лан, ц1у хьиннура кьак1иян. Ц1у лещан дуллан аьркинссар пожарныйлуин оьвкуну, цама кумагрансса инсангу ч1аравуну. Пожар лещан дуллалиний авара кьаруртуну лещан дуллан, лещан дуллалинахун, кьатлувусса кьай ххассал дуллалинахун кьабахчинну. Кьабуч1иссар токрал ххаллу дурсса к1анттурдай щин рут1лай лещан дуллан.

Агарда инсаннал янналуц1ух ц1уларч1ун духьурча лечлай лихьлан кьабуч1исса! Му ч1умал ц1арал лама гужлан хьун бюхьайссар.

Аьркинссар анаварну ликкан ц1у ларч1усса янна. Ликкан кьабюхьлай бухьур-

ча, шях ккурубигьлан аьркинссар.

Щина бяр бухьурча-миву, бухьурча марххалттаниву лещан дан аьркинссар. Духьурча хьуннасса хьа, одеял ялун руртун кай-кай дурну лещан дайссар.

Пожар хьусса ч1умал хьхьч1ива-хьхьч1 оьвчин аьркинссар пожарныйлийн. агарда га дахьра ларч1ун, зушара лещан дан бюхьайкунна ч1аларчагу. Оьчаву дуван аьркинссар пожар дакьамур к1анттава. Пожарныйлийн оьвт1инийгу аьркинссар т1айласса адрес бусан, оьвт1има цува цу уссарив бусан. Телефон дакьасса иш бухьурча, цу-унугу леххаврий т1айла уккайссар.

К1улу бик1ан аьркинссар пожар кьархьун дунува пожар хьунни т1ий леххаву руртуманан административный танмих1 бувайссар, яний яла чанмур харжи 10-15 кьаралланийсса аьч1а дикшайссар.

М. Кьурбайт1аев,
ГО ва ЧС-рал районналийсса уполномоченный

Редакциялул адрес
368390, Республика Дагестан
Ккуллал район, ш. Ваччи

Издательнал адрес:
Республика Дагестан
Ккуллал район, ш. Ваччи

Газета регистрировать
бывссар РФ-лул МТПР-лул
Южное межрегиональное
управлениялул.

Хьунама редактор
А.И. Кьянчиев

Регистрациялул номер
ПИ № 10-4202

Газета бавт1уссар «Чаннац1уку»
газетрал редакциялул компьютердай,
бывшуссар ГАУРД «Издательский дом
«ДАГЕСТАН». Типографиялул адрес:

367018. Мах1ачькала, пр.
Насрутдинова 61,

12+ Буккайссар ножмардий цал,
Индекс: 51317
тираж 657 экз. Газета итабакьин кьулбас дайсса ч1ун 17. 00,
кьулбас дурсса ч1ун 16. 00

gazetazvezda0@mail.ru